

許墅關志卷之十八

雜記

金墅太湖之濱有夏禹王廟湖水漲時往往淹沒農田惟廟下至門而止三江既入震澤底定禹之爲功於揚州者甚大廟不浸水殆神實憑之歟

許墅舊聞

吳王與九郡之兵將與齊戰過姑胥之臺忽晝假寐夢入章明宮見兩鑿蒸而不炊兩黑犬嗥以南嗥以北兩鏃殖吾宮墻流水湯湯越吾宮堂後房鼓震篋篋有鍛工前園橫生梧桐召王孫駱而問之駱曰東掖門亭長長城公弟公孫聖知鬼神之情狀願王問之王乃遣王孫駱往請公孫聖詣姑胥臺

許墅關志

卷之十八

雜記

吳王曰寡人將北伐齊魯道出胥門過姑胥之臺忽然晝夢子爲占之其言吉凶公孫聖曰臣聞章者戰不勝敗走倥偬也明走去昭昭就冥冥也入門見鑿蒸而不炊者大王不得火食也兩黑犬嗥以南嗥以北者黑者陰也北者匿也兩鏃殖宮墻者越軍入吳國伐宗廟掘社稷也流水湯湯越宮堂者宮空虛也後房鼓震篋篋者坐太息也前園橫生梧桐梧桐心空不爲用器也但爲盲僮與死人俱葬也願大王按兵修德無伐於齊則可銷也吳王怒顧力士石番以鐵鎚擊殺之聖乃仰頭向天而言曰吁嗟天知吾之寃乎忠而獲罪身死無辜以葬我以為直者不如提我至深山後世相屬爲聲



響於是吳王乃使門人提之蒸邱豺狼食汝肉野火燒汝骨  
東風數至飛揚汝骸骨肉糜爛何能爲聲響哉註蒸邱一名  
燕山又名陽山

二十三年十月越王復伐吳吳國困不戰士卒分散城門不守  
遂屠吳吳王率羣臣遁去晝馳夜走三日三夕達於秦餘杭  
山王孫駱曰前有胥山可以匿止王行有頃謂太宰嚭曰吾  
戮公孫聖投胥山之巔吾以畏責天下之慙吾足不能進心  
不能往嚭曰死與生敗與成故有避乎王曰然曾無所知乎  
子試前呼之聖在當有卽應吳王之秦餘杭山呼曰公孫聖  
三反呼聖從山中應曰公孫聖三呼三應吳王仰天呼曰寡

許墅關志

卷之十八

雜記

二

人豈可返乎須臾越兵至三圍吳吳王引劍而伏之死越王  
誅嚭并妻子乃葬吳王以禮於秦餘杭山卑猶宰嚭亦葬卑  
猶之旁吳地記曰餘杭山一名卑猶山是也按卑猶卽徐侯

山有吳王墓

節錄吳越春秋

楚黃歇說秦昭王曰吳見伐齊之便而不知干隧之敗註史記  
正義曰干隧吳地名出萬安山西南一里卽吳王夫差自剄

處

戰國策

陽山箭闕峯下舊有半山寺俗傳吳王夫差殺公孫聖於此

范蠡旣輔越滅吳入於五湖莫知其所終極神仙感遇傳載唐  
乾符中吳人胡六子於海中范村山見蠡長生事少伯之成



仙與否究不可知張華謂陶朱公冢在南郡華容縣西蘇州府縣志從無載其冢墓者惟黃隸相傳有范蠡墓其地特高居人登此觀漕河風帆至今人猶能指其處云

吳中舊事

陽山龍母久傳東晉隆安中繆氏女產白龍事見宋胡偉所作廟碑又一說云秦時有端溪温媪業捕魚遇澗中棄卵如斗拾之置缶中未幾卵竅物出如龍媪豢之及媪治魚誤突龍尾龍避去數年忽還媪所如兒戀母媪亡龍擁浪迴沙成墳云云存之以備一說

采風類記

陶弼字商翁放蕩吳中行萬安山間見雙鯉戲水上佇觀之旁一老父謂曰此龍也行且鬪君宜丞避須臾暴風雷雨拔木

濟甌關志

卷之十八

雜記

三

覆舟獨弼得免宋仁宗時官至上閤門使

舊志

何中立淮陽胸山書生也南來寓於郡一旦焚書裂衣遁去歸荷蓑結廬於天慶觀佯狂妄談皆驗孝宗賜號通神先生都道錄劉能貞自京口舟還次無錫默禱云先生果有靈感當出相見泊至濟甌何從南來劉登岸揖何云小道不易出山果十枚贈別及平江則何未嘗出也後坐而逝按何卽蓑衣

真人

府志

清源莊季裕云建炎二年寓長洲縣彭華鄉高景山北白馬澗張氏舍時山上設烽火日舉以報平安舍月餘卽過浙東臨行書一絕於壁間云昔年領牒佐邊侯愁望長安向戍樓今



日衰顏來澤國又看烽火照長洲是冬金人犯杭越明年春正月由平江以歸白馬洲去城十八里有宅百餘區盡被焚毀獨留予所居於壁間題耿先生到此不燒七字府志

紹熙元年長洲縣彭彭鄉麥秀四歧府志

韓震者蜀將韓宣之子為賈似道腹心魯港敗震主遷幸議陳宜中等不從誅之其部曲李世明挈其妻孥與士卒千餘人逃至平望殺巡檢縱兵放火殺掠人民由小長橋透出許市走入太湖由宜興至建康降元府志

金德人樂善好施惠多及人自楓橋抵許墅鑿七井以資行旅

因號金井縣志

許墅關志 卷之十八 雜記

儒學提舉朱德潤大父葬其祖母施夫人因夫人夢避陸續墓見冢墓誌又傳提舉葬時其家人復夢陸公日上我一穴下我一穴俱出狀元家人遵之明宏治丙辰狀元崑山朱希周其後也希周官尚書諡恭靖舊志

王太平字永昌居白豸山家殷富洪武時以大戶充役太平織造龍衣得旨寵錫甚隆人推白豸山王氏為著姓者以此舊聞

王璉字汝玉以字行小楷行書法晉人皆雄秀詹氏小辨

王璉亦善書與弟璉齊名書史會要

明少詹鄒濟贊善王汝玉為仁廟舊宮臣故即位而贈太子少保賓客文臣之得贈東宮大僚自濟汝玉始淵鑑類函



蘇州自國朝洪武中來凡斯文盛舉未嘗乏人吾所知如洪武  
王子簡會試士十八人授編修等職入文華堂命宋學士等  
爲之師俾肄業勸懲寵錫略似後來曾榮等則有王璉汝器  
修元史則有高啟謝徽亦有傳著不知卽潞州知州否永樂  
中纂修大典則有王汝嘉名璉趙友同大典尤多其人洪熙初  
宏文館中則汝嘉與陳繼嗣初正統中提調學校則僉事張  
某景泰中修史其自外赴召者有節之欽謨而天順再舉提  
學之選節之欽謨又當其首選也水東日記

正統十四年正月六日太湖中大貢山小貢山關開闔數次又  
共沉於水起復關踰時乃止觀者如堵府志

泚墅關志

卷之十八

雜記

五

正統以後戶部因差管各倉關廩庫漸次增設主事萬歷九年  
裁革各司主事二十一員十一年復設主事十員凡差三等  
由吏部選授曰註差疏名上請曰題差劄委曰部差或三年  
或一年或三月而代凡天下關稅貴州司兼領之鈔關凡七  
河西務臨清泚墅九江杭州揚州淮安明史

玉碑登摘唐詩二句爲泚墅關對云流水聲中理官事寒山影

裏見人家皆極的確江盈科雪濤詩評

長洲漕湖之濱有農婦治田見湖灘一物白如雪趨視之乃一  
小兒手也連臂約長尺許其下作聲唧唧驚走報其夫夫往  
看亦甚疑怪掘之其根不可窮乃折而棄之湖按神仙感遇



傳云此肉芝也食之壽等龜鶴府志

嘉靖三十四年柘林倭敗後新倭三十餘艘與南沙等處諸賊合犯蘇州陸涇壩直抵婁門敗南京都督周於德兵總兵俞大猷參政任環大敗賊於陸涇壩焚舟三十餘五月初九日賊自婁門至閘門分兩隊一隊掠橫塘由木瀆入太湖一隊掠潁墅由望亭經南塘抵漕湖掠蕩口自冶長涇往常熟縣令王鈇鄉官錢津擊之遇伏死之環大猷追敗之三丈浦府志是年八月倭賊五十三人自象山登岸流突南京輾轉抵無錫駐惠山一晝夜奔百八十餘里抵潁墅都御史曹邦輔追及於楊家橋吳林廟擒斬二十七人餘走陽山迤至靈巖奪民

潁墅關志

卷之十八

雜記

六

船出太湖見官兵復登岸至橫涇官兵與武生車梁殲其衆指揮張大綱生員陳淮手刃數人力戰而死府志

分司署左毛家衙官井因有鬼物里人祀漢壽亭侯於此以猷其祟相傳是井被倭時及明末婦女盡節者多死其中果爾則義魄貞魂必不爲禍惟宜有以表之無庸厭也

余始從吳興凌處士所獲觀李貞伯先生所書大石山與吳文定張子淵史明古三君子聯句其結法精勁道密爲生平冠而詩亦險刻有昌黎城南鬪雞遺調後則楊君謙和章祝希哲文徵仲徐昌穀徐子仁署尾尤可愛而獨軼沈石田啟南圖處士乃託錢穀叔寶補意錢固佳手處士意若有所不足



者而乞余題以解嘲未幾而家弟敬美偶購得沈圖一閱之則墨氣秀潤如欲滴罨靄掩映大有致覺顧長康王子敬山陰下語爲不遠聞與處士之父大夫及之緩頰欲爲延津之合不得也此圖後聯句則吳文定書似不能尙貞伯而沈亦自和一五言古體余老且倦遊矣大石在屋簷下尙阻一蹊屐而啟南畫貞伯書百年內奇物旣分散數百里外而後先寓目焉固不可曉也敬美善秘之

弁州續集

原博諸君子大石聯句久爲吳中盛事原博書法第一此書又平生最合作者重以嗣響聯翩觸目琳瑯江南文獻盡在是矣事旣奇勝蹟復完富便是我明蘭亭永爲世寶妙物通靈

泮野關志

卷之十八

雜記

七

倘及搜剔異日山東書生過訪恐此非先生有也

王奉常跋

顧元慶好古法書嘗作瘞鶴銘考云其師南濠先生家藏碑刻甲於東南錄其文悉皆品題爲金薤琳瑯錄凡數十卷獨恨此銘爲山僧所匿乃放舟京口冒雪渡江始得於山石之下

親搨以歸由是復傳人間

書史會要

雪浪善詩書法道媚通名理有江左支郎風韻

薛居錄

先處士公在崇禎時居甌山之宜橋草堂後有白石階堦前忽發桃樹一株樹不甚高大其花千葉結實巨如盃色味絕佳識者謂是仙種最後爲鄰家羣兒采桃誤折其樹忽石階迸裂千百塊俱成猿猴形先處士極不樂謂堪輿家言草堂靈



秀合陰陽生旺之局今殆為所傷既而日盛衰家運也物何足憑久之果亦無他先處士以糧長銷圩破家卒致小康遂上壽先文學讀書成名下士惟先處士後長房四代居草堂少零落焉凌氏本支錄

太僕都元敬游山記有石開古梅在雲泉陽山志

蘇翹字淡然居陽山與子應鳳倡和石刻在白龍寺

八都觀音庵有錢爾登會魁匾爾登無錫人崇禎癸酉舉人癸未進士為長興知縣不知其額何以在此

澄照寺嘗改為朱墓庵以宋尚書朱諤葬山中請為功德院也

陽山志

滸墅關志 卷之十八 雜記

權關之職雖理邦賦使者往往多加意士林滸墅自景泰設關以來方天池鵬始建學以教鄉人繼此焦維章陳大咸王以纁張世科李任臺諸公或增修義塾或更立社學外此舊志所稱如李多見之待士以恭杜潛之作養生童唐文燦之學博才優謙恭下士張大猷戚伸之嘉惠士民有求胥應錢大錫之藻鑑絕倫何楷許豸之接士談藝獎掖時髦相繼人稱名宦皆其較著者也至張銓自公之暇圖書吟咏馬之駿履綦盈座擊盃徵歌亦見風流文采照耀一時焉舊志本朝權使之中亦多重文教擅風雅者如李起元李繼白李秉忠安公諸公之重修文廟徵瑞阿爾那阿爾公之修葺增建



廟塾皆卓卓可記至高斌九文采風流工於吟詠詩多可錄  
如秋日關署口占云澣膠本是水雲窩小住官衙半載過門  
外一泓清鑑近臨淵時覺警心多又澣關任滿臨發有作云  
兩載於茲實力行恥因寬稅博虛名惟堪自信無傷惠兼畏  
人知始是清千樹雲山天路近一江春水片帆輕他年直筆  
書關志恩怨平分亦定評原註謂寬小  
販革樑頭也又調任蘇藩復兼澣  
關權務舟中往返偶成二首云疊翠浮嵐畫不如又臨清鑑  
對秦餘何曾解得詩中意只是看山興未除一櫂橫塘溪水  
寬往還獨喜望晴嵐雲山奇處誰能畫多在船窗雨後看新  
宋洞谷子者諱堂閔列仙詩見韓清夫衝破秋空一點青之句

澣聖關志

卷之十八

雜記

九

遂有省棄舉業歷少室終南祀張三丰為度師嘗自吟云赤  
腳歸途暮靄斜龕中靜嘖作生涯濟人賸有青囊物五葉江  
蘆再放花及卒葬武邱鄉九都墓前挺生三稼一莖兩穗獲  
粟斗許其甥周進士嗣哲作詩紀之萬歷十一年事宋元樞  
先世記  
略

周儀部之與人但知其科目文章不知其才能志節有大過人  
者世所傳開門即叫三娘子事其為恤刑時所鞠案也三娘  
子之夫買舟他出舟人殺死人無知者舟人故至其家喚之  
叩門聞應聲曰可是三娘子案疑未決儀部曰開門即叫三  
娘子明知其夫不在矣即舟人所殺無疑也訊之果得實其



他平反多類此明亡儀部懷印歸成讀史詩六十首悲歌感  
慨情見乎詞徐孝廉枋稱其一篇一詠不忘君國比之子山  
之哀江南少陵之在天寶幅巾布袍韜聲匿跡往來惟一二  
逸民遺老與孝廉及僧古民輩結畫社於山中生平與孝廉  
尤厚為忘年交孝廉父文靖殉節孝廉流離困苦儀部周其  
生死孝廉懷舊篇及贈詩備述其交誼志節云

居易堂集

乾隆四十九年甲辰春  
高宗純皇帝

聖駕南巡江蘇士子進獻詩冊於泚墅鎮上岸迤北建立接  
駕臺江蘇學政臣謝甯率領跪臺下敬謹進

泚墅關志

卷之十八

雜記

十

呈 張邦弼迎  
鑿恭紀

沈孝廉某號石臺故里在鎮之東隅其莊以此得名今子孫猶

世居焉

敬亭山人錄

蜜蜂道院有二古柏偉幹不及白龍祠晉柏而奇矯撐攬過之

相傳亦千年物也

陽山志

李繼白字荆品號夢沙河南臨漳人順治乙未進士庚子督理  
泚關自公之暇輒與士子談藝晨夕晉接未嘗告倦一時知  
名之士悉遊其門繼白賦資敏異讀書過目不忘所著有四  
書折衷詩集江南遊草行世遊草為監督時所作也厥後康  
熙壬子睢州劉公士龍丙辰遼東高公璜俱以進士起家官



工部主事爲權使下車後皆舉觀風之典藻鑑人文衆推宗匠劉公刻有試牘傳於世

澚墅舊聞參舊志

澚墅城隍廟南偏舊有文昌閣亦名闔陽樓陽山如屏列窻牖外頗可登眺道士以形家言改爲平屋人多惜之

舊志

嚶西雞籠山相傳有晉太尉陸玩墓子尙書令納亦葬此按晉書玩卒諡曰康給兵千人守冢七十家太元中以玩有佐命勲特賜葬置官屬以衛墓似玩葬地當在建康雞籠山而按陸氏世譜玩之墓在吳縣鳳凰山其廟在嘉興治三里則雞

籠山或訛傳耳

敬亭山人錄

澚墅創建興賢橋中文定爲文記之記云澚墅於成宏閒有省

澚墅關志

卷之十八

雜記

七

試哀然居首者不詳其名或謂指張贊或謂指賀恩按府志成宏閒解元隸吳縣者四人成化甲午王文恪蓋宏治戊午唐六如寅外止有贊恩二人文恪居包山六如居桃花塢在澚墅者非贊卽恩矣存以俟考贊字希臯成化癸卯順天解元丁未成進士官山西僉事恩字其榮成化戊子南京解元關志創於明張裕權關陳大咸梓行之後無續纂者至本朝康熙十二年副貢生孫珮起而重纂之權使黃虞再擬梓行會去任不果繼知府甯雲鵬聘珮修府縣志知關志業有成書遂與權關主事陳常夏各捐俸梓之卽今所存之澚墅關志也繼珮重修者有孫肅云



某氏女於泮墅關徐家橋焚修積募緣銀七兩為其姪聘婦夢  
大士責之曰汝既為尼敢將布施淨資供俗家之用罰作犬  
子七日女驚覺私告所親在疑信間偶入市一癡狗突來嚙  
其足視之一無損傷逾日又入市聞鼓鉦聲腹痛仆地口作  
犬吠狺狺不止叫號七日備諸苦楚而死康熙五年臘月事  
穹窿山朱邁科述

說鈴

先祖上座師張文端相國詩曰梵雲著名勝峻極高摩天玉嶺  
與峨眉一一開峯巒靈秀所盤結問世有大賢篤生司農公  
申甫同屏翰起家玉堂貴儼若瀛洲仙清名動 朝宁駁歷  
多平反

泮墅關志

卷之十八

雜記

三

特命來江左文衡邁後先

再命督兩江黎庶咸熙然移節復治河經緯功匪艱淮揚沮洳  
地連歲罹水患自公來籌畫道坦民騰歡推心置人腹撫御  
臣職殫偉功甲宇宙

宸眷深拳拳用嘉大臣績錫予恩聯縣佇看相曲江風度殊翻  
翻臣賢遇

主聖盛美傳青編某也下里士砂礫媿與璠窮年事呬唔屹屹  
研丹鉛抱茲迂腐性奔走非所爛屢試不見收用操徒憂煎  
詎知伯樂顧駑駘亦不捐一介困草茅起之登衣冠感恩誠  
罔極終身銘肺肝欲叩崇墀下龍門不敢攀恭逢憲節臨冒



昧呈短篇頌颺曷能盡報德知何年惟欽斗山重不覺筆墨  
繁公有三不朽功德超人竇學術貫今古立言誠不刊望公  
賜提命俾得探真詮譬如千丈松弱蘿思仰瞻師承欣有託  
品業期精專韓門有籍湜矢志當勉旃共三十三韻書白綾  
一上字近鍾王裝池後錢官詹大昕以手澤長詒四字隸書卷  
首韓封君是升張教授鳳翼陳國博毓成工部鶴徵君楊堉  
張詒詹大令應甲學博趙基王芑孫俱作古文跋之張學使  
燾李翰林錫恭唐刺史仲冕呂外翰星垣楊孝廉一鴻韓處  
士敏張太學問贊俱題韻語太學卽文端曾孫僑寓錫山首  
題是卷文字因緣尤爲奇事云

凌氏本支錄

陽山又名羊山因以白墻爲羊腦說已附會更有異者山下地  
名石羊頭有石羊二一全體一無首相傳謂仙人從山上驅  
下至此止而化爲石說更不經又相近有石人在人家墻下  
半入土中以女形人呼石婆婆以爲卽驅羊仙人所化竊思  
官宦墳塋儀表獸有石羊此或古墓所遺惟翁仲未見有女  
像耳施學博階曾隱其地

文園公不知何許人康熙初釋曉青有過許墅晤文園公詩二  
絕云萬里龍沙轉故園鬚眉猶帶朔風寒縱談二十年前事  
存沒關心淚幾彈少年同學復同師塞北江南久別離壯志  
飛揚嫌伏櫪參軍薄祿爲霜慈又有屋舟詩二首時許墅有



聞藜青莫知所從來爲人高介絕俗詆諧善談吐精岐黃術  
濟世不受人財遇貧病者輒典質助之嘗遊虎邱見鄉宦居  
憂挾妾遊山面斥之又嘗得會銀若干於中津橋列數人世  
爲利害義之事而擲之河每數一事擲銀一鏰擲畢灑然而  
歸沒後相傳爲管山三法司神或曰園公卽藜青云高雲堂集  
乾隆閒本府司馬林良銓號睡廬居憂僑寓泚墅與本鎮士人  
唱和成虎嘯八詠有文閣風帆南河榆蔭漁莊夕照龍華晚  
鐘巖山春眺白蕩菱歌浮橋夜月秦餘積雪等題司馬首唱  
餘皆次韻成之得詩既多請序於沈歸愚先生遂傳爲韻事  
嘉慶乙亥閒泚關委員蔡汝弼號夢吾長沙人會監修義塾

泚墅關志

卷之十八

雜記

十四

一亦與諸文士多所唱和著有夢吾詩稿九工字學求書者甚  
衆幾令一時紙貴云

文學朱賀嘗居陽山東長雲峯下捐金移殿南偏兼構齋閣廊

廡始覽一山之勝

舊聞

大石塢言子游祠向有祀田三百畝故今廢基一帶尙稱言田

陽山志

言田巷施白冶公墓門亦有青山額爲戴易書

舊聞

尤侗有泚墅關遇劉西翰感贈詩一篇中云聞君隱西山滿徑

松蘿繞兒耕婦操作枕書臥亦好劉之隱居不出惟以耕讀

自娛亦可謂高士矣

看雲草堂集



陽山西白龍祠入殿天龍擁護額爲 裕親王題并書光涵塵  
刹額爲慕天顏題王時敏分書曇花現瑞額爲彭定求書東  
旁三楹聽松堂額爲尤侗書竹影松聲額則元時張暄書也  
介石山房之上崖舊時構殿兩楹側跨石梁梁盡有亭鐫李太  
僕所書吳文定諸公聯句詩今廢

乾隆間撫軍陳公宏謀禱雨白龍祠扁舟至許墅登岸布素草  
履執香於烈日中步往陽山未及半途大雨如澍農民遮道  
請息田舍避雨公辭之繼請張蓋又不許繼爭以篋笠蔽公  
公又慰勞而遣之徑冒雨至祠虔祀而退卽日士民置主祠  
中報公是年歲大稔

已上皆  
舊聞

許墅關志

卷之十八

雜記

五

大興李侍郎奭棠弟某權許墅關出珠母一枚大可五六寸許  
內有眞武像端坐椅上右手垂椅左手 闕 龜蛇承其足靈官  
荷戈侍作瞋目狀雲氣繚繞之中現四神將恍惚有無閒皆  
具體人也李以十緡得之視隋文帝蛤蜊佛宋晁無咎猪齒  
曰佛尤奇珠母者蚌也造物洵巧矣哉 說  
給

乾隆間長洲知縣袁公秉義陞任去部民送至許墅許墅人民  
亦搭綵亭鼓樂敬酒致送甚有泣下者

陽山白塔爲山中朱氏世業祭產乾隆中城中蒙右與之爭利  
訟連年不解孝廉豫訴之上臺乃得理至六十年又有在金  
芝嶺一帶開採者里中士人陸元琛張懋澤等告之權部徵



公瑞卽日飭府縣禁止元琛等勒公及府縣示於嶠山東嶽廟大門蓋許墅士風向來最好平日足跡不至權署絕無干預公事者故公鑒元琛等公誠而避之

嘉慶六年辛酉六月吳縣唐明府仲冕舉行賓興之典第一爲許墅凌壽祺是日明府以重修六如居士祠墓詩命和另發詩榜取沈明經奎爲榜首壽祺詩未次韻未列詩榜翌日補進四律仍厠名其上詩刻花塢聯吟集其未次韻詩有興到愛游花月下狂來常託歌中騷壇昔日聯三友蘭若春風奠一樽句爲明府所賞於序其漁莊集及之節錄宋元樞花塢聯吟集跋語陽山東向有石幢在澄照寺四面皆作佛像技巧如棘端之刻

許墅關志

卷之十八

雜記

六

陽山志

謝賓客濤字濟之旣冠居吳中會汾晉平郡國當表賀吳士爲奏者文體弱更數人皆不能如郡將意謝公私草之爲人持去郡將大稱愜吳中先生亦自愧不及圖經續記

翰林四王竝稱而汝玉弟璉汝器璉汝嘉一門又有三焉其詩不費冥索斤斤唐人之調吳人徐用理集永樂後詩家三百三十人以汝玉壓卷焉

東伯集交友詩爲今雨瑤華猶存次山篋中遺意

麗文猶者平生不事干謁苦心讀書除夜有海估以百金乞墓文峻拒之抱膝擁衣飢以待且其介如是明初高侍郎季迪



有北郭十友麗文亦有東莊十友吳燿次明文徵明徵仲吳奕嗣業蔡羽九遠錢同受孔周陳淳道復湯珍子重王守履約王寵履仁張靈夢晉故其詩云昔賢重北郭吾輩重東莊胥會誠難得同盟詎敢忘麗文遺集罕傳予從金處士侃借得手鈔本錄竹枝一首某氏列朝詩神鬼門載桃花仕女詩八絕竹枝三首在焉其二則山桃花開紅更紅西湖荷葉綠盈盈皆麗文集中詩所云紹興上舍葛棠夜飲圖中美人歌詩百絕伯觴乃好事者爲之不足信也

玉鳧讀史感懷六十首援古驗今不失國風小雅之旨

崇禎之際言詩於吳下者吾必以君望爲巨擘焉匪特高節軼

濟寧關志

卷之十八

雜記

七

羣也所誤篆學測解釋訓考源足證說文長箋之誤

師望詩體清剛原出牧之東野

己上朱彝尊靜志居詩話

吳寬大石巖雲泉庵記爲僧智韜作中云山之有庵相傳爲宋

珍護禪師所創其匾爲銀青光祿大夫齊國公德剛所題則

雲泉庵由來舊矣而大石之名暴著於時自原博諸君子題

詠始宜智韜之復請吳爲記也

陽山志

何揮使賜瑩在花堂塢明初征張士誠時何爲守旗校師之勝敗在纛其時忽遇暴風何儘力持之得不仆而卒以力盡死賜葬於此嘉慶九年被盜子孫鳴於官將盜按律治罪盜風頓熄瑩乃得保冢前碑已殘缺僅存三槐公三字其下一瑩



則世系官爵姓字具詳其立石者爲第十八世指揮將軍盧江何氏云

金貢生祿字粟九善古文筆札無不工妙書法出入晉唐間樸茂中得秀潤意人品高逸同時孫崧字峻中戴易高弟工分書嫻吟詠亦有釣臺百律乾隆閒有諸生葛銓爲許永文弟子亦能書

高孝廉顯宗字震聲號宜堂相傳爲金墅人任知縣工楷法深得前人筆意

澣墅故多畫家徐舜惇舜祥兄弟居漁莊俱以六法名朱萬鏞以翎毛花草名周方懷以寫真名朱敘天工寫墨蘭又有無

澣墅關志

卷之十八

雜記

六

錫周昂徐雲溪邵楨華栖雲流寓於澣亦以人物花草山水名他若俞萃居橫涇浜以花鳥名馬椿齡以人物名周德以人物花草名自康熙至嘉慶閒略可舉者如此

沈香祖字昂存號青桂瀆川詩人也寓澣時與徐秉珪惠震李友杜朱高濬及會稽馬玉衡輩爲詩社友其所吟詠多可錄者題朱高濬新居云庭連野菜地門對夕陽山頗有風致已俱舊問

大石山圖碑有二一鐫李澣所次吳匏庵諸君聯句詩於其上

一係山之全圖爲太邱陳瑚所畫俱持住智翰立云萬安山人錄

萬歷初澣墅王序三家豢一猪已二載一日銜其主衣裾行異



之隨其所往以嘴掀土出瘞金千兩取之家遂大饒自是德  
猪飼以香飯澡以淨泉衣緜藉氈十一年可比大牛遠近皆  
來觀而稱其家金爲猪金後死棺殮祭葬如人禮

張大學桂萼字香子工吟善畫凡六書篆籀之學無不通習尤  
精鐵筆明經朱高濬題其印譜云閉戶焚香屏俗氛酒酣揮  
灑對斜曛雕龍妙擅生花筆吐鳳多成倒薤文鑄古定須磨  
鐵硯鏤塵遮莫借雲斤詞壇鋒鏦原無敵屈玉垂金更軼羣  
子晉字文環讀書好古亦精摹刻人謂其有父風焉

曲逆侯廟前石池一泓相傳爲神飲馬池居民有以穢投及取  
池中魚者輒病頗著靈顯云

舊聞

澣墅關志

卷之十八

雜記

无

唐李嘉祐有望亭詩二句云野棠自發空流水江燕初歸不見  
人其時爲荒區可想而今則民居稠密饒有繁昌之象矣  
大石山房爲球川顧大有隱居處岳岱題其水亭云竹深雲日  
細江滿芰荷高其幽致可想

澄照塔院開寶中太保韓承德撤其家之梳洗樓所建極其宏

麗今隻礎無存矣

敬亭山人錄

陽山長雪峯三字爲韓馨書筆力瘦硬極有古意歲久苔深字  
畫依稀矣申文定詠作雨雲尤爲有致

互見山

顧元慶有大石山房十友端友乃石屏兩面刻東坡墨竹上刻  
綠筠軒詩及與周長官霏霏蒼雪詩陶友古花定狀如伏匿



乃短項瓶談友古玉塵柄夢友湘竹榻狎友一長柄壺屈曲  
古怪如鷺之折其頸因亦呼鷺瓢直友水磨鐵如意光澤可  
鑿節友紫竹簫老友方竹杖清友玉磬默友銀潢研也

邊知白字公式祖瑩在平江蒸山宣和中爲太學學錄得武洞  
青石本羅漢十六紙遣家童致之墳庵前一夕行者劉普夢  
十餘僧持學錄書來求挂裕以白主僧慧通通難之曰庵鮮  
薄安能容大衆哉來者一人取筆題詩門左曰松蘿深處有  
神天不憶其他語明且話此夢未竟而石本羅漢至內一人  
卽所夢題詩者由是公式足成之庵曰慶雲遺址尙存其詩  
云松蘿深處有神天小刹何妨納大千挂裕定知宜久住歌  
游聖關志 卷之十八 雜記 手  
唵何幸得留傳袖中出簡聊應爾門上題詩豈偶然顧我未  
除煩惱習與師同結未來緣

萬歷壬辰樵人於爐峯下拾一書記以爲銅也與僧視之文作  
子昂僧云此上金樵人始駭而馳攜之金閭售得厚價歸是  
必文敏昔游山中至此而失復不遇識賞卒成銷毀山僧述  
之至今惋惜

已上俱  
陽山志

沈翰功精琴學嘒谿學琴者皆師之乾隆初其人尙在  
許謬雖近市而擅風雅敦古處者代不乏人徐瑄字景望能詩  
弟璟字宋若亦工詩飭躬甚謹盛暑必衣冠望之有泰山巖  
巖氣象里人皆以爲矜式子鳴盛字宮聲從子秉鈞字穎士



俱諸生亦能詩文謹架獲至今言古道者猶稱竹行頭徐家云

許載明不知何許人亦不詳其職業居謝家場炊煙常斷嘉慶乙亥十一月初十日與妻子閉門餓死一犬死於門外載明名不著閭里未必讀書知大義乃能窮餓自甘行於妻子且感及畜狗卽其平日之爲人可想矣志士不忘在溝壑豈獨讀書知義者爲然哉如載明者殆所謂鄉黨自好者歟載明死時年三十六妻三十五子六歲次子先於初一日物故事閱數年幾將湮沒詳加採訪所可信者如此而已

泃墅學宮向無文星閣嘉慶丙子重修以吳方宜高撤方公祠

泃墅關志

卷之十八

雜記

圭

基建而移祠於閣左閣成果發鄉會榜歲科試補廩入學者亦衆始議再高三尺恐有妨礙將木鋸短至是始惜其低猶聖功坊石柱向鑿天狗學場民家小兒往往不利塗作方柱小口平安將來剝落亟宜修塗閣有修建不可再低皆形家言也

洛中尚齒人多壽考泃墅文昌閣下向有百歲坊人亦多壽

前輩顧元佐十三入學重游泃宮未之及見所及見者吳爲功年八十六沈奎勳八十二先文學八十五皆藍袍朱履重游泃宮此外張嘉維八十三沈光照八十五夏廷棟九十許善輔九十一施孝錫九十三近時吳達相九十張必誠八十



九周種福金詔王允文陸允豐張錫祚自八十一至八十四  
五或遊太學或列膠庠或棲息林泉或隱居教授皆故家舊  
族年高德邵不愧老更恭遇

覃恩職銜粟帛之

賜榮及閭里舊歲里中舉壽星會自七十至九十數十人仿古  
鄉飲之義列坐飲酒皓首龐眉逍遙杖履皆由

國家培養之厚亦見里閭風俗之淳焉



許墅關志卷之十八

原序

康熙癸丑子奉

簡書來權許關自秋徂冬商舶寥寥方懼課不及額無以副考成亦何暇博蒐典故爲虎嚙續成紀載耶乃者郡守甯公董修府志以許關爲東吳名鎮商稅甲天下府志所不容缺貽書詢關志者再予考關志昉自海陽陳公明嘉靖中權使也迄今百有餘年無有繼之而作者方將訪求淹雅之士討論編輯以復甯公己而知關志業有成書爲吳庠孫子珮所參定乃禮致孫子得其書發而閱之見其所稽核者典實而詳

許墅關志

卷之十八

原序

一

明裁定者精切而體要條目畫一義例矜嚴建置筦轄錢鈔歲額則例權部員役兵防官署諸卷固有關權政自鄉鎮山水義塾祠院神廟橋梁街堤物產風俗人物古蹟諸卷孰爲權使之所創建孰爲權使之所題詠網羅該洽而又不失之繁蕪可謂有脊有倫矣至其大要尤必謹遵

功令凡

朝廷敕諭臺諫奏章無不昭然具載髣髴涑水廬陵史家之法子卽捐俸入屬之梓氏誠足上佐

國典資鏡文獻豈僅嚙關一乘令後世有所考據已哉康熙十二年陽月旣望督理許墅鈔關禮部祠祭清吏司主事頌陽



陳常夏臨谷氏敬題

關之有征以抑末崇本示重農也其錢幣之入也裕國計佐田賦也凡夫彙日月所入而歲輸左藏者惟潯墅爲諸關之冠潯墅舊名虎驟踞郡治西偏爲南北往來要衝襟領江浙商旅環會此吳川之鉅鎮數郡之咽喉不可以弗志也前此有志者乎曰有之自明嘉靖中陳公大成始嗣是以降雖有筆削未得爲全書蓋亦將有待焉而關使者多期滿卽去未暇從事也余承乏吳郡奉

功令董修府志府志雖不遺潯墅然而略矣將求夫本末備賅沿革悉舉可以爲名區典則者載筆屬辭誠難其人吳庠儒

潯墅關志

卷之十八

原序

二

生孫子珮學術雅贍博覽古今於攻治經藝之餘拮據故實參稽憲章易鉛槧者累年定爲潯墅全志其體裁條例大略與府縣志相等先之以鄉鎮山川而終之以古蹟凡二十卷其間疆域之形勢課稅之權衡以逮物產纖悉無不班班可考爲政者有所資擇焉非徒矜示淹洽而已志旣夙具未有任剗剗者會臨谷陳公奉

命筦糶留意覈檢以溥利商民爲關政之要矢公力行聞是編之有裨經畫亟購披閱捐俸精屬之梓氏孫子重加校纂俾無闕遺副陳公刊訂傳久之意斯亦一邦徵信之書與縣志相爲表裏而府志之藩扞股肱也用是謹識數言於卷首康



熙十二年歲次癸丑十月既望中憲大夫知蘇州府事三韓甯雲鵬撰

澣之有乘也自海陽陳公大成始也爲之載筆者長洲刑垣張公裕也越數載而普安蔣公宗魯續其後又越五十載新城王公之都自爲一書其言港制甚悉第不列欵目不援古昔不載關課失之太略自此以還七十餘年權斯關者類皆持籌不遑算緡是問卽或留心乘載轉瞬瓜期不克終事今上御極之八年己酉陝西黃公泰昇來權澣懼典故漸湮以關乘屬珮會通于復命匆匆就道遂已茲幸閣臣條奏

澣聖關志

卷之十八

原序

三

聖天子雅意修文通行直省纂修通志彙爲一統若郡若邑靡不旁搜廣覽考古證今以成一代文獻斯誠車書會同萬國朝宗之日也而蘇郡志郡侯甯公董其事公之守蘇廉以律已嚴以馭下禮以接士惠以子民治行允爲第一特于志乘尤加意焉廣徵名流分曹置局共釐鉅典珮以師儒薦耑充邑乘嗣又以邑侯吳公薦贊充郡乘乃考文恪王公舊志僅載澣聖鎮而不載關不免遺漏珮因取前所纂關志重加編輯其首鄉鎮者志關之所由設也次山水者志關之形勝次建置者志關之沿革也次筦轄者防轉越也次錢鈔歲額則例者關課所必詳也次權部者姓氏宦蹟未可泯也次員役



者清叢弊也次兵防者重庫藏也次官署者肅觀瞻也次義塾祠院者宏教化也次神廟者尊祀典也次橋梁街堤者彰權使之利濟也次物產風俗者所以別濟境次人物者餘杭降神多君子也又次古蹟而附義冢者部使之德及乎朽骸也書成圖一卷二十獻之甯公轉請權部陳公爲鐫板計公慨然曰是余責也遂蠲俸若干兩付之剗氏工閱月告竣用以編入郡乘未必不無小補然自分固陋無所知識倘有背謬適滋厥咎敢以質之大君子康熙十一年癸丑十月旣聖吳庠增廣生孫珮拜撰

原修銜名

濟聖關志

卷之十八

原修銜名

四

鑒定

總

督于成龍

巡

撫慕方顏

余國柱

學

政趙崙

布

使丁思孔

按

察

使金鎮

督

糧

道劉鼎

督理

濟聖

鈔關

禮部

主事陳常夏

督理

濟聖

鈔關

禮部

員外郎黃懋



督理 濟 墅 鈔 關 兵 部 員 外 郎 郭 禮  
提 調

蘇 州 府 知 府 甯 雲 鵬

高 暉

趙 祿 星

監 修

督 糧 同 知 師 佐

石 文 晟

總 捕 同 知 趙 森

孫 如 龍

濟 墅 關 志

卷 之 十 八

原 修 銜 名

五

海 防 同 知 劉 大 慶

劉 三 傑

管 糧 通 判 張 六 合

殷 鼎 臣

長 洲 縣 知 縣 薛 泰 颺

祝 聖 培

吳 縣 知 縣 吳 存 仁

劉 滋

蘇 州 府 教 授 陳 菁

吳 縣 教 諭 葉 正 誼



總裁

翰

林

院

編

修

沈世奕

纂輯

吳

縣

增

生

孫珮

同纂叅校

宋實穎

尤侗

華渚

汪希汲

褚篆

濟甯關志

卷之十八

原修銜名

六

欽蘭

吳愉

錢中諧

郁裴

許王儼

吳芹

沈磐

歸聖脉

張慶孫

袁德馨



范必英

蔡方炳

張鳳羽

沈一鳳

申穉

孫岳頌

續纂

吳

縣

生

員

孫  
鼐

許聖關志

卷之十八

原修銜名

七

